

**1º EXERCICIO: PARTE COMÚN**

**INSTRUCCIÓN:**

- 1.- Non abra nin lea o interior deste caderno ata que se lle indique.
  - 2.- Esta proba consiste nun cuestionario non eliminatorio sobre o contido da parte común do programa, de 10 preguntas tipo test con 2 de reserva, que deberán ser contestadas a continuación do recadro "Común" entre os números C1 e C12, da "FOLLA DE RESPOSTAS".
  - 3.- O tempo total de realización do exercicio, é de **15 minutos**.
  - 4.- Todas as preguntas teñen catro respostas alternativas, sendo unha a correcta. As respostas correctas sumarán **0,50** puntos, as non contestadas non terán valoración algunha e as contestadas erroneamente restarán **0,125** puntos.
  - 5.- Comprobe sempre que o número de resposta que sinale na "FOLLA DE RESPOSTAS" é o que corresponde ao número da pregunta do cuestionario.
  - 6.- Este cuestionario debe utilizarse na súa totalidade como borrador das respostas elixidas, para non marcar unha resposta ata estar totalmente seguro/a.
  - 7.- A resposta correcta marcarase cun **X** ben feito dentro dos límites do recadro. De ter que anular algunha resposta, o recadro da resposta que se marcou incorrectamente ten que encherse por completo.
- Unha vez que se anule, xa non poderá recuperarse de novo dita opción de resposta.
- 8.- Ao rematar o seu exercicio, coloque este cuestionario no chan e espere as indicacións para realizar a continuación o seguinte exame, en unidade de acto. Cando finalice todos os exercicios deberá entregar a "FOLLA DE RESPOSTAS" no lugar que lle indique a organización, onde lle entregarán a última folla autocopiativa. Ao abandonar o recinto **NON** poderá levar ningún cuestionario de preguntas. O Servizo Galego de Saúde facilitaralle o acceso aos mesmos a través da páxina web: [www.sergas.es](http://www.sergas.es), logo de finalizados os tempos de exame.

**LEA DETIDAMENTE AS INSTRUCCIÓNS  
QUE FIGURAN NO REVERSO DA FOLLA DE RESPOSTAS  
PARA O SEU CORRECTO ENCHEMENTO**

**EXAME EN GALEGO**

**1. Segundo o Estatuto de Autonomía de Galicia, cal das seguintes afirmacións é correcta?:**

- A) A bandeira de Galicia é branca cunha banda diagonal de cor azul que a atravesa dende o ángulo superior esquerdo ata o inferior dereito.
- B) Gozan da condición política de galegos os cidadáns galegos que, de acordo coas leis xerais do Estado, teñan veciñanza administrativa en calquera dos municipios de Galicia.
- C) A bandeira de Galicia é branca cunha banda diagonal de cor azul que a atravesa dende o ángulo superior dereito ata o inferior esquerdo.
- D) Gozan da condición política de galegos os cidadáns galegos que, de acordo coas leis xerais do Estado, teñan veciñanza administrativa en calquera dos municipios do Estado.

**2. Segundo o Estatuto Marco do persoal estatutario dos servizos de saúde, que situación administrativa das seguintes dá dereito ao cómputo de tempo a efectos de antigüidade e carreira, no seu caso, á percepción de trienios e á reserva da praza de orixe?**

- A) Excedencia por prestar servizos no sector público.
- B) Excedencia voluntaria.
- C) Servizos baixo outro réxime xurídico.
- D) Ningunha das anteriores.

**3. En que ano se aprobou a vixente Lei Xeral de Sanidade?:**

- A) 1978.
- B) 1984.
- C) 1986.
- D) 1989.

**4. Segundo a Lei galega 3/2001, do 28 de maio, reguladora do consentimento informado e da historia clínica dos pacientes, cal das seguintes afirmacións é falsa?:**

- A) As historias clínicas son documentos confidenciais propiedade da Administración sanitaria ou entidade titular do centro sanitario, cando o médico traballe por conta e baixo a dependencia dunha institución sanitaria. En caso contrario, a propiedade correspóndelle ao médico que realiza a atención sanitaria.
- B) Toda a información contida na historia clínica deberá conservarse, como mínimo, durante dez anos desde a última asistencia prestada ao paciente ou desde o seu falecemento.
- C) A historia clínica deberá ser única por paciente, cando menos en cada complexo hospitalario, hospital ou centro sanitario.
- D) O acceso por outras persoas distintas ao paciente á información contida na historia clínica deberá estar xustificado pola atención sanitaria do mesmo.

**5. Segundo o disposto polo Decreto 206/2005, do 22 de xullo, de provisión de prazas de persoal estatutario do Servizo Galego de Saúde, cal das seguintes opcións é correcta con respecto aos prazos de toma de posesión en virtude da resolución dun concurso-oposición?:**

- A) Os aspirantes nomeados disporán do prazo de quince días naturais para incorporarse ao destino adxudicado.
- B) Os aspirantes nomeados disporán do prazo de quince días hábiles para incorporarse ao destino adxudicado.
- C) Os aspirantes nomeados disporán do prazo de tres días hábiles para incorporarse ao destino adxudicado.
- D) Ningunha das anteriores é correcta.

**6. En que artigo se recolle o dereito á protección da saúde na Constitución Española de 1978?:**

- A) Artigo 23.
- B) Artigo 33.
- C) Artigo 39.
- D) Artigo 43.

**7. Como se configura o Servizo Galego de Saúde na lei galega 1/1989 que o crea?**

- A) O Servizo Galego de Saúde constitúese como un organismo autónomo de carácter administrativo, dotado de personalidade xurídica propia, adscrito á Consellería de Sanidade, que exercerá a dirección e control do mesmo.
- B) O Servizo Galego de Saúde constitúese como un organismo autónomo de carácter administrativo, sen personalidade xurídica propia, adscrito á Consellería de Sanidade, que exercerá a dirección e control do mesmo.
- C) O Servizo Galego de Saúde constitúese como axencia pública autonómica galega.
- D) Ningunha das anteriores é correcta.

**8. Con respecto á regulación da xornada de traballo no Estatuto Marco, cal das seguintes afirmacións é falsa?:**

- A) Sempre que a duración dunha xornada exceda de seis horas continuadas, deberá establecerse un período de descanso durante a mesma de duración non inferior a 30 minutos.
- B) A duración máxima conxunta dos tempos de traballo correspondentes á xornada complementaria e á xornada ordinaria será de 48 horas semanais de traballo efectivo de media en cómputo semestral, agás que mediante acordo, pacto ou convenio colectivo se estableza outro cómputo.
- C) Non serán tomados en consideración para a indicada duración máxima os períodos de localización, agás que o interesado sexa requirido para a prestación dun traballo ou servizo efectivo, caso no que se computará como xornada tanto a duración do traballo desenvolvido como os tempos de desprazamento.
- D) A xornada complementaria non terá en ningún caso a condición nin o tratamento establecido para as horas extraordinarias.

**9. Cal dos seguintes dereitos non se configura na sección de dereitos fundamentais da Constitución Española de 1978?:**

- A) O dereito á protección da saúde.
- B) O dereito de reunión.
- C) O dereito de asociación.
- D) O dereito á educación.

**10. Segundo a Lei 31/1995, do 8 de novembro, de prevención de riscos laborais, cal das seguintes afirmacións é falsa?:**

- A) O acceso á información médica de carácter persoal limitarase ao persoal médico e ás autoridades sanitarias que leven a cabo a vixilancia da saúde dos traballadores, sen que poida facilitárselle ao empresario ou a outras persoas sen consentimento expreso do traballador.
- B) O Goberno regulará os requisitos mínimos que deben reunir as condicións de traballo para a protección da seguridade e a saúde dos traballadores.
- C) A prevención de riscos laborais non debe estar integrada no sistema xeral de xestión da empresa.
- D) Os traballadores e os seus representantes poderán recorrer á Inspección de Traballo e Seguridade Social se consideran que as medidas adoptadas e os medios utilizados polo empresario non son suficientes para garantir a seguridade e a saúde no traballo.

**1. Segundo o disposto polo Decreto 206/2005, sobre os requisitos para a provisión de postos de xefatura e coordinación de persoal diplomado sanitario, cal é a opción verdadeira?:**

- A) Os aspirantes deberán acreditar un mínimo de cinco anos de experiencia, na categoría ou especialidade esixible para o acceso ao posto, nas institucións sanitarias do Sistema Nacional de Saúde.
- B) Os aspirantes deberán acreditar un mínimo de tres anos de experiencia, na categoría ou especialidade esixible para o acceso ao posto, nas institucións sanitarias do Sistema Nacional de Saúde.
- C) Os postos de xefatura das unidades ou servizos de atención primaria serán cubertos en todo caso por un profesional adscrito aos mesmos.
- D) Ningunha é correcta.

**2. De cantos artigos se compón a Constitución Española de 1978?**

- A) 166.
- B) 150.
- C) 169
- D) 180